



元人文集 上卷

元
代
史料刊
叢初編

黃山書社

秋澗先生大全文集卷第五十九

碑

大元國衛輝路創建三皇廟碑銘有序

衛之廟祀三皇權輿於

國初醫家者流因城隍祠右故壇屋而像之庸申歲時瞻仰之懇然位置迫隘規制卑陋不足以妥靈揭虔爲神明觀府監尹荅失帖木兒顧其如是蹶然于中私自念言當尊而侈大之心有所在而時則未遑也伏承

登極詔條聖帝明王守吏致祭廟宇傾圯官爲修葺至大德庚子歲夏仲祠部頒降三皇禮秩以春秋二時饗獻蓋宗本醫學拯恤元元也而昔構不稱安能

儼肅禮容光昭祀典哉侯乃咨謀於僚屬曰

明詔所當夤奉民力不可妨奪工匠不可徒役公帑不敢擅發也當首出俸糴以爲倡率少尹八思麻因判寮高興仁推官馮琚相與贊襄下逮屬吏醫師筮士從風皆靡聿來胥宇於是相治城北郭汲署故址奩朗方術奠啟神居經始於是歲冬孟斷手於明年季夏爲禮殿三巨礎松栢楹奕奕挺駟望雲就日儼若帝者之所其臺門洎醫學講堂齋室以次修舉其秋因常裡禮奉安神棲儀物肅備薦獻通暢士民來觀懽忻贊嘆謀斲石紀績傳示方來持學正祁伯易事狀以修建碑銘爲請不肖念鄉榆盛事其敢以衰耄辭夫德高太上者宜垂不朽之名澤及萬世

者當享天下之祀鴻荒肇判爲生民害者多矣三聖
繼作觀象化民創物垂範如畫八卦以通天地之情
造書契而代結繩之政耒耜以資耕耨舟楫而濟不
通衣裳宮室既厚其生棺槨歛葬復恤其死交賄貨
而易有無剋弧矢以威強暴然後民得安居而粒食
優游以卒歲孔子繫易叙太皞神農軒轅氏功德如
此其見於醫家說者謂神農氏一日嘗啗物毒七十
餘種軒岐論難本乎大道而究乎死生之奧故近代
猥爲主祀若以三

聖人開天建極利生民而仁後世者論之特一事尔
在汧流求源雖出於人心之至情而報本反始乃有
國之令典按歷代祀秩曰皇曰帝惟唐嘗置廟京師

餘雖多文定於故都三年一祭而已我
國家掃攬搶以清華夏斷鰲足以立四極還純反朴
崇德尚功三年故都之祀亦嘗舉行迨
聖天子當寧道娘生成仁含動植祗嚴忠祠克作
神主開建醫學德洽好生故有司推廣
睿意俾同通祀致祠廟徧于天下其敬恭之典越至
矣乎伊守土臣奉承准謹規爲有方不傷財不役民
未及閱歲而起百年偉觀事神治人可謂能也已
宜銘銘曰

林林總總

厥初民生

理具畫一

七鑿方萌

軋端坤倪

軒豁露呈

孰措其一

底於和平

聰明惟亶

體用

弘

三聖繼作

見天地情

裁成

以逸以寧

躋民仁壽

萬世

德至孰邁

道大難名

功同元化

罔知申行

推原報本

在理攸應

大德之政

思治幽明

在在通祀

尊隆莫京

惟守土吏

恪於奉承

載敬新廟

閔妥聖靈

聖靈在天

與時降升

雲行雨施

品物咸亨

云何事神

而瘠於泯

翼翼禮殿

有儼神庭

民初不預

吏亟經營

維皇降止

庶監嚴誠

風雨時若

歲事屢登

民浸福澤

豈曰更能

謹夫歲月

爰勒斯銘

事神治人

績用昭稱

煌煌麗石

永垂頌聲

表碣

文通先生墓表

先生諱天鐸字振之姓王氏世爲衛之汲
仲祖諱經顯考諱宇妣孟氏由農而士汔于先君蓋
四世矣其本支德澤與夫出處之大致已鑱諸埋石
茲不復云惟其心之與學達於政而明夫用之所當
然者敢發越以昭于外初先君既冠以家學魁多士
已而嘆曰君子不可以虛拘是足以盡吾學乎且天
之所畀於我者何如我能克而復之以塞夫所以畀

六考終于家遠近計聞來會哭者踰月如知巴丁郎
中居實石處士德玉單侍講公履烏宣慰貞等垂洟
而言曰天不少假公年俛爲我輩著龜今而後過將
孰寡矣仍以文誄之至有識敏學精是既錫之以重
彼胡奪之以輕遡長川而中流施絕涉遠路而丰道
車傾其爲時賢敬惜如此明年戊子春三月改葬于
康公里清水原倪渦之洄曲奉常宋衡教授趙澄郝
幹進士太原劉冲邑大夫李瑞僉曰先生卷德丘園
學貫三極其行與業爲國人所矜式可謂敏學先物
達夫世用者也遂相與據法而謚表其封曰文通先
生之墓夫人永和靳氏進士子玄之孫安陽丞顯思
之女生子二人先卒家府設小子憚忱等服膺嚴訓

獲登仕版粗有立于世識者謂先生之志之學盖有驗於後矣是用昭揭神道永示來裔銘曰

政爲事樞用乃道與學焉而兩不克是爲虛拘融體用於一源宜大行而窮居其命矣夫若或訓斯世而迪後壽高名而不渝固云先生之知命胡其銜之不抒碑陰先友記

曹居一字通甫北燕人有文章善談諧以謨畫佐征南幕府官負外郎卒

劉初字京叔渾源人資純粹早以文章擅名有神川遜士集行于世弟郁以篆隸真行名家終監察御史牛天祥字國瑞上黨人深天文武經學歷恒山公府講議官應東諸侯聘客死聊城

孟道字伯達琅邪人性沉毅有機果威儀抑抑以業顯東海

趙澄字公靖共城人性純古有儒行終衛州教授司之才字進道淇門人業詞科有聲場屋間性峭直有口

盧武賢字叔賢燕人資雄峻喜談兵以客卿游諸侯間王之綱字德柔湯陰人通世務以儒術緣吏事有益鐵諸論傳相下

邢敏字公達秦人性公直明法令以廉自持用薦授左司員外郎終大名府判官

李禎字彥祥黎陽人先考同年吏員轉尚書工部掾性溫粹以善淑稱

釋朗秀廩述人行精嚴內典外五經子史無不究覽
逮耄期不倦示戒衛之仁化寺

楊果字正卿蒲陰人詞賦第歷劇縣皆有能聲文彩
風流照映一世拜叅知政事終懷孟路總管

董瀛字巨源廉臺人精力有幹局常從王潯南問學
今爲淮東按察使

董民譽字端卿陽夏人詞賦第爲人渾厚無圭角與
時浮沉常叅預江漢都督府事

劉方字元卿陵川人性清古善歌詩終衛輝路提學
宰沂字魯伯洛陽人才表氣豪抱負奇節嘗與中書
楊維說降西山主帥時人壯之後爲王府徵士

張芳字義夫相人性僻直數從事郡府少不合輒望

望弃去

趙鵬字搏霄蒲陰人純粹有耆舊風金詞賦進士用

辟舉令泌陽以廉能稱

石蓋德玉字君寶蓋州人性至孝與人交愷悌篤信義嘗與友共事惡其不直遂絕而不較

勾龍瀛字英孺河南人性方直在河南有詩聲述姓譜行於世

烏古論貞字正卿遼東人沉毅果敢用廢任內侍官得幸北渡後顯仕於去就不屑

周惠字德甫隰州人性慷慨有大志早貴幸樂與賢士交遊終江淮都轉運使

王昌齡字顯之滄州人蘊藉有經濟材由叅議史忠

武府知衛州有惠政在民

李瑞字天祥汲人性強果重義急難凜古人風達吏務有調議於先考執弟子禮終身焉仕至潞州判官王贊字子襄登封人性直諒生平游元劉間好詩學劉冲字進之太原人性剛克敦友義嗜學安貧樂道人善事與心會激節感慨有幽并豪傑氣尤長於左氏春秋

馬寅字致遠許州人性雅重嗜古學恬於仕進

丁君實字仲華錦州人用廕以吏起身有廉德北渡後以前代掌故授禮部郎中致仕

馬佐字佐之滄州人金明昌太學生有賦聲

完顏孟陽字和之遼東人用門資起身為部掾北渡

後不仕好古書家藏至千餘卷

沈侃字和卿魏人資端方精律學嚴而嫉惡由憲臺
司法調陵州倅致仕

張善淵字機道譙人少為黃冠師性機警有幹局表
表為玄門綱

王磐字文炳永年人經義第人品高邁儀範一世文
章精極理要臨大節不可奪今為翰林學士承旨

徒單公履字雲甫遼海人經義第學問該貫善持論
世以通儒歸之性純孝樂誨人官至侍講學士

陶諒字信之獲呂人有吏幹歷邑長著能稱

程和字仲美武陟人長管庫材以聚書教子為志竟
莫遂而沒哀哉